

革命

贈送政府

四週

年

紀念

特刊

王湖

民國十七年

燕



目錄

(一) 插圖

總理遺像 附總理遺囑

總司令肖像 附總司令誓詞

(二) 詩詞

灤平班師四週紀念祝詞

國民軍灤平班師四週年紀念特刊祝詞

首都革命四週年紀念頌

國民軍討伐賄選四週紀念歌

馮總司令灤平班師四週紀念祝詞

薛篤弼敬祝

山東省政府 孫良誠 石敬亭敬祝

張吉墉

古閩鄧萃英

河南省道辦事處 處長暨全體職員敬祝
副處長趙守鈺

首都革命四週紀念大會恭賦五古一章紀盛

開封市政籌備處處長陳維新敬祝

恭祝

馮總司令灤平班師四週年紀念（調寄浪淘沙）

河南印花稅局局長夏寅國敬題

國民軍討伐賄選政府四週年紀念歌

河南省政府宣傳處

（三）史料

首都革命通電

總司令爲首都四週年紀念告本軍官兵

首都革命（節錄第二集團軍的過去及現在）

孟憲章
郭春濤

和平戰役（節錄國民軍簡明史）

石敬亭

（四）宣傳

國民軍首都革命四週年紀念宣傳大綱

本軍首都革命四週年紀念緒言

河南省政府

首都革命四週年紀念日河南省政府宣傳處告民衆書

河南各界慶祝國民軍討伐賄選政府第四週年紀念大會傳單

(五) 論文

首都革命之重要與今日紀念之意義

首都革命的剩餘價值

首都革命在我們革命史上的地位

灤平班師在中國國民革命進程中的功用及其給予我們的教訓

亦山

張吉壩
德良

(六) 附錄

總部議定首都革命四週年紀念辦法

河南各界慶祝國民軍討伐賄選政府第四週年紀念大會程序

目
錄





總 理 遺 像

總 理 遺 囑

余致力國民革命，凡四十年，其目的在求中國之自由平等，積四十年之經驗，深知欲達到此目的，必須喚起民衆，及聯合世界上以平等待我之民族，共同奮鬥。

現在革命尚未成，功凡我同志，務須依照余所著，建國方略，建國大綱，三民主義，及第一次全國代表大會宣言，繼續努力，以求貫徹。最近主張，開國民會議，及廢除不平等條約，尤須於最短期間，促其實現。是所至囑！



馮 總 司 令 像

馮總司令誓詞

國民軍之目的，以國民黨之主義，喚起民衆；剷除賣國軍閥；打倒帝國主義；求中國之自由獨立；並聯合世界上以平等待我之民族，共同奮鬥。特宣誓，生死與共，不達目的不止。此誓！



詩 詞

灤平班師四週紀念祝詞

軍閥禍國，政以賄成，怨聲如沸，民不聊生，榆關 武，津沽窮兵，毒痛四海，輟業廢耕。唯我馮公，仗義救民，灤州宣誓，威定平津，誅除奸慝，綏靖戰塵，譽馳中外，歡動閭鄰。天未厭亂，政潮再翻，于役南口，受旗五原，轉輾萬里，會師汴垣，爲民努力，未嘗憚煩。由今溯昔，瞬已四周，肅清禹域，底定神州，忍辱負重，後樂先憂，功在黨國，萬禩千秋。

薛篤弼謹祝

國民軍灤平班師四週紀念特刊祝詞

世俗盲論，衆人拘焉，惟大智勇，毅然決然，毀不爲却，譽不爲前，苟利

於國，何恤人言。翳彼曹吳，雄據中原，撓法賄選，盜柄弄權，吾國前途，長夜漫漫。惟時馮公，憂心如煎，榆關戰烈，灤平師班，角之犄之，大慙斯顛，偷我馮公，曲謹爲賢，茫茫夏土，將淪九淵，輿情回惑，猶多猜嫌，是豈能識，非常之源。神州統一，薄海臚歡，灤平一役，實着先鞭，迄今四載，往績特刊，千秋萬禩，共悉委端。

山東省政府 石敬亭 敬祝
孫良誠

首都革命四週紀念頌

張吉壩

自曹吳竊國，厲行暴虐，兵連禍結，靡有寧歲，先總理屢降明令，大張撻伐，而兇力實繁，黷武益烈，於是舉國翹首，喁喁然屬望於我

總司令馮公，公感時勢，順輿情，爰與胡孫兩總司令携手而兵之，十三年十月師次赤峯，大集將士，編牙誓師，指授機宜，星夜疾驅，二十三日凌晨，馳抵北平，兵不血刃，巨慙成擒，市塵如故，笙歌不息，以視法首都之恐怖，俄皇室之流血，豈僅霄壤之別而已哉，茲當四週年紀念之晨，全國底定，障礙悉除

，上自通都大邑，迄於窮鄉僻壤，黃口之童，戴白之叟，莫不歡聲雷動，竭誠慶祝，以爲革命之成功，軍閥之夷滅，此役實爲其樞紐，不可不有以紀之，而昭著於無窮也。吉甯忝爲公僕，宜抒民意，不敢自藏其拙，謹撰首都革命頌一篇附諸末簡，以貢歡忱，其詞曰：

繫惟華夏，泱泱大風，文明古邦，奠基亞東，迄我民國，戰亂相尋，日卽陵夷，異族是侵，北平古都，實藏奸慝，曹逆據之，爲國蝥賊，江浙肇釁，榆關陳兵，血戰立黃，殺人盈城，舉國喁望，惟我

馮公，公念時艱，憂心忡忡，爰命師旅，振旆都門，偕我袍澤，曰胡與孫，孫軍居中，胡爲策應，三軍颯發，指揮素定，銜枚疾趨，千里至止，擒賊擒王，敵靡所恃，戰勝楊村，吳逆潰竄，

總理北上，光華復旦，北方革命，於此託端，主義傳播，群逆膽寒，日月不居，四週已屆，區宇混一，新潮澎湃，民族復活，民權日張，進謀民生，國勢發皇，四海有慶，百代之光，伊誰之力，俾我國日熾而昌，熱烈紀念，以慶碩功，黃童白叟，萬里雷同，兵革旣息，民志旣伸，如日方曙，如歲之春，協力並進，更懋勳勤，憲政完成，萬國常新。

國民軍討伐賄選政府四週紀念歌

古閩鄧萃英

民國十三年秋，奉直再闢於遼幽之間。時江浙戰事甫畢。當塗竊號自娛，依洛帥爲心膂，沈酣於武力統一之迷夢，徵調絡繹，海內騷然！我總司令馮公方率所部，趣別道。軍次灤平。慨生靈之塗炭，懼華胄之淪亡，悲憫爲懷，力回規運，爰有灤平會議。班師首都之舉，實爲華北革命之導綫，完成黨國之先聲。余時以參軍備員總部，得廁末席。奉命隨鹿總司令首先入京，於當時情事，見聞較確。忽忽四閱寒暑，追懷往烈，觸滋多。用賦俚言，藉作紀念。

天雲黯慘風蕭蕭。起陸龍蛇殺機伏。紛紛列鎮互雄長。一十三年如轉轂。入秦約法等弁髦。中樞政柄恣翻覆。是時江表緊傳烽。甲馬汹汹苦戰攻。薊北又聞馳羽檄。修羅浩劫遍寰中。賄選當塗方竊國。弄兵元濟慣興戎。兵連禍結無寧歲。廬舍蕭條變焦土。劇憐民命付沙虫。茹恨吞聲向誰數。由來剝復遞相乘。止戈畢竟資神武。風高大樹挺英姿。力遏狂瀾攀勁弩。雅量羣推安定公。權奇更有孫破虜。一時僚友盡環才。際會風雲德星聚。灤平高會啓邊陲。劍佩

雍容坐論時，舉足要關天下計，盟心宵待俗人知，旄頭一夜盡南向，飛渡關山鐵騎馳，浪息鯨鯢竄狐鼠，陰霾迅掃見朝曦。一從諸將競稱兵，南北分張割據成，玉帛尋盟會踐土，爭迎斗極耀春明，中山學說留華夏，主義三民炳日星。自古薰蕕不同器，新華南內相鄰比，民國衣冠歷歲時，故宮朝覲猶稱制，欲裁東亞自由花，先翦荆榛絕根蒂，光復重開新紀元，艱難國步千鈞繫，鯁生珥筆昔從征，使節追隨敢請纓，絕塞秋高鷹翮健，寒宵月落馬蹄輕。當時情事堪回顧，四易春秋等閒度，卽今革命慶成功，河山依舊金湯固。君不見烟消渤海罷征戍，旗翻青白光衢路，要知締造極艱辛，燦爛神州好將護，俚歌一曲記從頭，銘勳媿乏凌雲賦，

馮總司令灤平班師四週紀念誓詞

軍閥肆虐，壓迫人民，賄選總統，是爲曹。吳佩孚者，剛愎性成，目空一世，驕矜無人，擴充勢力，集合大軍，奉直開仗，盡忠曹門，自相殘殺，師出無名，幸我馮公，崇拜三民，實行主義，救國救民，毅然班師，扭轉乾坤，剷除軍閥，撻倒曹錕，幾經波折，慘淡經營，不避艱險，誓師東征，嗣定幽燕，先復豫秦

豐功偉烈，一貫精誠，青天白日，始現光明。今值四週，革命成功，載之史冊，泐之鼎銘，河山再造，共躋大同，勛勞蓋世，萬古光榮！

河南省道辦事處

處長 吳山
副處長 趙守鈺
暨全體職員敬祝

首都革命四週紀念大會恭賦五古一章紀盛

旭日麗中天。影端表自正。萬里風雲來。爛熳卿月映。民國十七年。往事
資借鏡。國體號共和。紛紜莫究竟。帝制揭於前。復辟來尤勁。竊國如竊瓜。
軍閥勢專橫。羣雄肆鯨吞。割據互兼併。雞虫爭木休。蝸。勢思騁。南北徧干
戈。東西盡陷穿。生民嗟塗炭。慘聽荈華詠。蒿目頓扼腕。民命孰爲請。國勢
如壘卵。傳執太阿柄。政府以賄成。舉世皆詬病。直系逞武力。恣睢梗新政。
顧彼長白裔。猶恐細流迸。一朝剷去之。區夏何寥復。灤平憤誓師。鼎足三軍
競。赤眉煽狂燄。誰與施括槩。卓哉我馮公。萬流增嘆敬。汾陽漫比倫。舉動
合賢聖。軫念荷桑危。何由基大命。文教與武力。學術日考證。隴秦豫魯燕。
壺漿爭相迎。主義本三民。天賦強毅性。歷時閱三年。卒掃狼烟淨。回憶班師

時。鸛鷀四週月。飲水思其源。前勛允宜慶。增我黨國光。大會鳴厥盛。

閩封市政籌備處處長陳維新敬祝

國民軍討伐賄選政府四週年紀念祝詞

直系禍國，任意橫行，賄選竊位，政治混濛，迷信武力，師出無名，嗜殺以爭，殘民以逞，災禍並作，民不聊生，偉哉馮公，義憤填胸，聯合胡孫，共任澄清。灤平班師，市塵不驚，執曹敗吳，霹靂一聲。驅逐廢帝，掃除羣兇，總理北上，致電歡迎，革命前途，大放光明。反動份子，聯合進攻。委曲求全，酷愛和平，雖遭挫折，不變始終，賴有主義，全軍景從。回溯往事，追維舊功，飲水思源，紀念興行，首都革命，歷史光榮，於萬斯年，慶祝無窮。

河南省捲烟洋酒印花統稅總局局長范金城敬祝

恭祝

馮總司令灤平班師四週年紀念

調寄浪淘沙

風吼陣雲寒，薊北江南，哀鴻塞雁遍中原，看起瘡痍登衽席，取彼凶殘。

飛機討曹瞞，殲懿擒權，回師直搗向幽燕，一舉戎衣天。定，光我河山。

河南印花稅局局長夏寅國敬題

